

夢
搢
軒
雜
著

976924

統觀大稿風格高

騫理法精細蓋所

謂陽春白雪至今

已寡其儔矣世有

下里巴音而亦自

鳴得意焉得毋未

見此乎抑居未瘳

以相示不欲車馬

夢樞軒

詩集張誠

一

載鼙鐘鼓樂鳩牙

然即以哄示之也

未有不位學鳩之

笑者非敢謂僕能

夢樞軒

詩集張說

二

知君之詩正以詩

之未易知耳善讀

君之詩者當不廷

庭斯言張麟識

夢樞軒雜著序

嘉善戴咸弼撰

天之生人能限人貧富貴賤而不能限
今人之爲古人夫古人不可作矣使必
號於衆曰古之人古之人則羣起而駭
且恠抑不思習俗日滴今不如古性天
不日薄無古今一也先存一薄待今人

夢樞軒雜著

序

之心遂并薄待自己曰我何能爲古人
此孔子所謂今女畫者也吾於是得李
君古漁而歎天之果不能限人也古漁
世家子性介少諧俗胸次磊落超流輩
萬方盛年謀卑官爲祿養來東海濱清
潔自勵未一歲偶有不合輒弃去如敝
屣然我於今人中求之未見有是人矣

古今之別孔子所謂古之狂非今之狂也世人乃以不狂爲狂嗚呼此世道之憂而於古漁何與焉況古漁年壯氣雄所造已卓卓若是他日進而愈上不造其巔不止天又烏能限之哉壬午十月壬戌因書數語於後卽以送其行

夢樞軒雜著

序

昔孟東野爲韓門弟子尉溧陽昌黎送
之深致推挹稱其詩高出魏晉不懈而
及於古至於終篇進之以古入之道曰
其在上也奚以喜其在下也奚以悲然
東野終有不釋然者故史稱其往來水
旁裴回賦詩曹務多廢令白府以假尉
代分其半俸東野夷然不屑亦未聞沃

夢樞軒雜著

斤

然舍去以視古漁何如哉余耳古漁名
不獲見今將行矣出夢樞軒雜著見示
乞爲一言余受而卒業詩古文辭皆憂
憂獨造空所依傍與古人爭席其所爲
讀書記無宋人語錄習氣學有心得陳
義甚高而見者或駭且恠謂是君殆將
爲傳人者於是古漁得狂名然狂亦有

夢樞軒詩彙卷一

月二首

清光能繼日常傍
九霄明倒挹山河影
空懸今古情
不徒誇潔白
卽此悟虛盈
良夜慰遐思
張琴近畫楹

秋霄愛明月
獨自立長廊
不覺衣裳薄

夢樞軒

詩彙卷一

一

惟嫌風露涼
浮雲時欲掩
清影豈能常
惜未邀朋賞
開軒飛羽觴

秋風

秋風動林木
涼意已蕭疎
遙憶長征客
能無念故廬
晚花鬪零落
新雁唳清虛
小坐長廊下
披衣吟興徐

秋日偕大甥易雅占登清涼亭子



五首

秋雨乍晴後尋詩入翠微陰雲半消散
野徑辨依稀綠竹幾園茂黃葵夾道肥
草頭餘淅瀝不覺濕裳衣
古寺平岡建尋秋客更來乍添新殿閣
一剪舊蒿萊僧供清泉酌風摧古壁墮
石坡且直上步屨滑秋苔

夢樞軒

詩彙卷一

二

絕頂愈清朗亭中喜共吟江山憑指畫
俯仰異胸襟楓樹添佳色山禽弄好音
登臨有辜負惜未挾瑤琴

縱目收千里豪情共若何城陰依嶺折
山色近江多荒壘今仍在殘碑劫後摩
春秋惟爾我亭上幾吟哦

把袂尋歸路高歌緩緩行炊烟援屋起

人語隔林輕日影半山黑秋風一徑清
街衢方晚市燈火亂熒熒

聞鐵馬

簷下西風緊臥聞鐵馬鳴碎聲如有韻
清夜最關情環珮應教悞琤琤似不平
半窗秋月白伏枕夢難成

重陽登高六首

夢樞軒

詩彙卷一

三

登高何處去城北覓雲巔提榼隨豪僕
聯鑣盡少年市衢將轉遍野徑漸相連
佳節出遊早秋陽乍曉天

直上北極閣登臨興造然樓臺都撲地
江漢欲浮天歡會仍吾輩風雲話隔年
今朝非避禍情暢句堪聯

更尋山後徑買菊入村中楓樹生溪上

秋畦繞屋東根因傷夏雨花未倚秋風
空負杖頭挂重來興莫窮

茱萸宜雅會主客興同增煮酒皆知已
烹蔬倩老僧當窗山影秀隔院磬音凝
醉罷臺城去摳衣走蔓藤

太極宮何在胭脂井已枯數洲斜照裏
一覽喜無餘古壁陰橫嶺秋荷聲滿湖
夢樞軒

詩彙卷一

四

水雲深處好鷗鳥自相呼

不必馬如飛游人緩步歸好山回首遠
明月漸騰輝終日幾忘返清游興不違
吟詩聊作記景物寫依稀

春日謁儀鳳門軍府文謀舅丈得
步江邊

小步獅山下春霄無極晴浪都迎日赤

山是隔江青最愛賣魚市宜尋捕蟹汀
晚潮催客返漁唱倩誰聽

夜坐

開屏剔燈焰新月滿窗前欲把瑤琴弄
恐驚錦帳眠漏聲催點滴剪燭尙留連
清句方吟罷花陰欄外偏

秦淮

夢樞軒

詩稟卷一

五

幾曲秦淮水傾囊熱客游有船皆畫舫
無岸不紅樓燈燭輝良夜笙歌映碧流
涼風時捲幔伏暑反如秋

晚雨

一片聲啾啾林間鳥覓窠春愁浮白淺
晚雨落紅多佳氣憑雷發良辰若電過
對門山色好晴霽定如螺

京師旅舍題壁

身世空搔首文章喚奈何風塵困鷹隼
歲月易蹉跎吾志振衣壯客情閱世多
燕京喜雨夕彈劍獨高歌

泊天津河

小樹離離綠平坡塊塊黃小村宜暫泊
細浪縐斜陽蕭寺傳鍾晚鄰船沽酒香
夢樞軒
詩豪卷一
六
霎時燈火處應是打魚莊

串店妓三首

養女多教曲沙漠苦且荒饑寒少生業
歌舞濫登場當道逐車馬青年媚旅商
風塵悲不盡太息野鴛鴦

征人方息轍少女已來房急急索錢去
匆匆度曲忙調情工掩袖竊物尙窺囊

布服推高髻依稀識古妝

河北偶經過風流覩一斑同行皆喚美
惟我獨扁關何日敦廉恥安能化野蠻
愚忱別有感過客盡癡頑

自京都歸便道保陽省中晤從兄
笏齋從弟哲臣於李爵督幕中

手足不相識流離歎浩然相逢俱長大
夢樞軒
詩藁卷一
七
翻作輒周旋今日緣非淺明朝路幾千
曉鐘留不住別淚灑樽前

書律相兼讀清才迥不同有時龍赴海
莫嘆烏投籠杯酒論才畧文章識素衷
嚴裴恩誼重幕底得春風

租易園小軒讀書院有古樹四本
佳木四章古紅羊劫後存客來宜且住

爾竟獨盤根秋老黃飛徑春深綠滿軒
榮枯誰作主相對欲忘言

南郊馬上口占三首

行行南郭外纍纍亂山中馬上詩人瘦
林間花氣紅垂頭餘曉困吹面不寒風
好鳥爭調舌聲聲竹木叢

佳釀村村熟江南遍地春酒樽誰是主
夢稻軒

詩豪卷一

八

花柳自迎人事物憑他改江山依舊新
吟鞭撲好句莫負此良辰

偶來春野外幽興樂何如小學書聲朗
芳村畫意多聞鳴春溜急樹暗晚烟拖
牧笛橫牛背歸從細草坡

宴莫愁湖勝棋樓下三首

羞說英雄事不關兒女情一樽勤把握

雙燕落軒楹雲影半天幻荷風六月清
坐中無俗客共醉喜壺傾

有志立身早吾徒媿晚成寰中多涸轍
湖上比登瀛同是文章契奚須車笠盟
碧筒能解暑樂事及時行

陰重山城失湖中雨氣昏席間將舉燭
坐對不聞言虹降孤龍飲雲行萬馬奔
夢榻軒
詩稟卷一
九
蔣峯留一片小歇豈籠樊

野花

香色原殊俗春深放滿枝亦曾沾雨露
從不寄藩籬小草那堪共孤芳應自疑
無名隨地發竟合野棲遲

屋漏

屋漏慚無補甘霖密復疎爲貪一枕夢

悔濕半牀書積水沿階滿陰寒入幕虛
山尊邀簡至賞雨更何如

千古

千古賢愚輩升沈各不同功名原自主
文字半天窮樂道休泥古治家豈在豐
賞音何處覓短句訴深衷

國定

夢樞軒

詩藁卷一

十

國定蒼生少栽培二十年大都爭雜藝
誰復力良田夷俗頻流染純風總渺然
勸耕非易易端賴服官賢

久旱

何物阻和氣刑清政亦清望年人共切
精禱吏頻更竟欲尋冰市真堪比火城
蔣山雲易散豈是毒龍生

立秋日有懷諸兄弟

天下驚秋至傷心久別離十人皆手足
五處共相思有桂誰先折無書各自疑
滯居悲獨我桐下坐題詩

新秋夜獨立院中聽樹聲

月黑風狂夕林聲一氣翻當頭疑雨落
中夜帶秋喧長嘯和音韻不平擾夢魂
夢樞軒

詩稟卷一

十一

子方多感慨一賦古今存

輓吏部主事吳柳堂五首

帝嗣頒明詔奚須鐵券爲兩宮雙聖哲
多士敢遲疑再進方修職丹忱別有悲
惟君法尸諫遺疏壯如斯

懿旨捐軀乞經權計兩窮五年深抱負
一死媿賢雄先主慰遺慮蘭臺獨紀功

此行非偶爾假手定蒼芎
統嗣于斯辨文明毓慶宮聖朝崇祖訓
天語錫孤忠留刃臨行愴鋤奸往日功
不貪恩恤厚惟願體幽衷

禍福機原隱先知獨碩儒辭爭聖母悞
魂傍惠陵孤絕命詩文富斯人今古無
鬚眉何處識姓字遍寰區

夢樞軒

詩彙卷一

三

聖主固崇讓奸雄尙俟時議疏譏過慮
重祿反無爲明諭宜重降餘年不自私
傷君凡血氣豈獨鄙夫詩

仿含青書屋松下小竹

凌雲不遂志枝幹亂離藩如此仍多節
乃因有慧根老龍誇獨化雛鳳那堪論
豈必無相濟深承庇蔭恩

走晤城北大常典簿方四

暮色春山晚歸來獨自遲行雲如送客
野鳥欲驚誰情話幾忘返重來不定期
傳家真墨在今日喜親披

河邊浴鷺

不向波心去浮游苕藻邊羨他識深淺
卽此暫留連出水素羽潔撇波紅爪鮮
夢楫軒 詩藁卷一 三
山陰人雅愛籠去亦宜然

蚊

長啄陰藏毒微軀濕化成逐人恣飽饜
舉手脫餘生弱絮飛無影殷雷聚有聲
悞遭饑蝠口昏市莫縱橫

螢

熠燿慚微末宵行避日陽入囊供夜戲

有志豈韜光未必中腸熱難禁五夜涼
花間頻點點何必問行藏

至鍾山麓游靈谷寺

鍾阜兼雄秀群峯莫與攀十年居白下
今日始觀山王氣餘蕭寺龍形趁古關
重陽猶有約聯步到層巒

秋日遣懷二首

夢樞軒

詩藁卷一

古

何事平生聊慰懷松風竹韻滿山齋知
音未遇琴空撫奇氣難舒劍欲埋門對
青山情最好頭無白髮興猶佳休如宋
玉悲秋甚助我詩思菊繞階

冷雨淒風不忍聞休將世事論紛紛一
秋老病三嘗藥四載傷心兩祭文姊妹
花彫詩少和文章價減課仍勤草堂宴

客昨餘酒獨酌燈前醉半醺

謹題孀母嚴太恭人紫佩軒詩集

遭際平生太苦辛
海南隨宦感風塵
商聲大半悲兒女
古調何難泣鬼神
授業文宣勤課子
移居茗水卜詩鄰
柏舟矢志推賢母
豈獨瑤篇韻語新

前夜游曲

夢樞軒

詩彙卷一

五

高會不擇地
車馬息通衢
今夕復何夕
冠裳艷酒鑪
花燈纍屏障
肆主工張鋪
傭保亂奔走
頃刻沽百壺
校士復好客
髯公獨美鬚
尊主不敘爵
衣錦皆偉軀
下箸食萬錢
迥與小民醜
古人有遺言
不飲胡爲乎
風塵半俗吏
形迹何拘拘

後夜游曲

日出奉公使日入覓私娛月彩暗籠燭
題銜半模糊巷曲阻車馬到門皆步趨
風流杜員外繾綣黃家妹愛妓如愛民
衽席共登諸選色如選士版冊秉筆書
勸酒耀珠珍璣羞出香厨歡呼不夜禁
主人執金吾豈獨民具瞻儀容表女閭

贈從弟夢梅

夢樞軒

詩藁卷一

六

爾我遭家乏搔首頭尙黑幸爲聖人氓
責躬共努力志士勵艱辛丈夫羞匍匐
大任不易寄天成非天抑講學各一方
參辰不我卽偶爾渡江逢相逢歡無極

題自畫菊石

淡埽濃塗意自癡黃花白石兩相宜畫
成休向長安賣未着胭脂不合時

金陵游春曲

花街柳巷無尋處，別有風光清且幽。
芳草踏來都一色，年年青上石城頭。

良馬歌

仁禽神獸瑞不我知，豈如良馬載驅載。
馳竄以力事勿以名，匹渥洼水中兮休。
久居應運生兮應時出。

夢樞軒

詩稟卷一

七

九月十五夜菊燈設宴進酒三歌

江南閉戶不交客，二三知己宴今夕。
黃花絳燭列華館，花影千重光百尺。
人生歡會豈能常，各建功名奮雲翮。
初進酒兮夜氣涼，四筵合坐列圓方。

獨戰秋風守老圃，丈夫對此應鼓舞。
草筮仕愧親朋守職竟，與死囚伍晚香。

熱焰都世情金谷濫觴燒火樹亞進酒
兮意氣豪簾外月明霜天高
聖世求言不獻策功勳何日書竹帛坐
中彼此露肝膽樽開北海集羣屐滌盞
更觴燭未跋賞秋共有淵明癖三進酒
兮賓主醺門前送客車馬紛

官定後戚里多有議余居卑者賦

夢樞軒

詩藁卷一

六

此解之

自媿金銀氣書生願未償庸才辜聖世
微緣奉高堂下走仍防樸低頭那敢狂
荒衙避風雨暫作讀書莊

居城北易園雜詩九首

十載干戈後吾廬何處尋攜家棲別室
租地卜深林開徑扶危石編籬覆古陰

重修休問主客豈惜囊金
清淨堪娛志曾中俗慮刪石城高瞰屋
門徑曲通山暫作孤雲託居然白日閒
窗明勤誦讀好鳥和關關
種植課奴子幽閒歲月遐荒基分築圃
小院補栽花日暖聚飛蝶雨餘驚走蛇
適情皆自得市遠靜無譁

夢樞軒

詩藁卷一

九

開窗捲帷幔抱膝坐書堂竹幹挺生蔭
松花落更香宜人風景好稽古日頭長
惟恨居鄰惡歡呼透古牆

主客情投洽同門屬舅甥文章悲運會
爾我共功名分袂憐他日題橋慰此生
隔籬呼過我翦燭話三更
室遠客來少良辰偶一招金樽瓊液泛

銀壁菊燈燒入坐解冠佩留題揮絹綃
親情疏更好休怨路途遙
雪意皆詩意彤雲封翠微荆妻來問韻
慈母喚添衣江上人爭渡檐前鳥倦飛
夜深寒較重煮酒小爐圍

世俗傷今薄人心易古初不祥驚鵬入
豈是碩鳩居賢宰安良懦愚生任毀譽

夢樞軒

詩彙卷一

辛

親朋敦古誼冷眼辨徐徐

安晏誠醜毒名言卽我師問年悲老大
薄宦竟何之歲月不我與風雲或可期
階前多手植別去繫相思

月下作

樹未離霜葉未殘樹頭明月影團圞三
更階北光如水十月江南夜不寒擊鐸

勞人門外過無巢小鳥竹稍攢夜深得
句呼妻續驚醒黃梁意不歡

初冬偶得

朔風連日助寒威塵土彤雲共捲飛稱
體羊裘能耐冷逼人爐火不堪圍津河
水涸魚難躍關塞草枯馬正肥預擬詩
題供白戰明朝或恐雪霏霏

夢樞軒

詩藁卷一

三

遣興

牆外蒼蒼起暮烟寒風吹日落山邊小
墩獨立如登閣大院行吟仰看天野鴿
驚人穿樹去瘦貓畏冷傍廚眠張燈暖
酒合家飲薄醉觀書不計篇

房主人供飲賞仿含青書屋盆梅

第一枝得揮字

春信一枝動宦游人未歸花疏明玉几
香細護書幃不向隴頭寄留將畫筆揮
移樽供雅聚賞詠日斜暉

己卯十月初六日邀表兄陶鐵君

游雨花臺坐話永甯泉茶舍得還

字

軍策動人羨太平吟興閒涼風吹故壘

夢樞軒

詩藁卷一

三

雲氣暗秋山茶話情愈淡泉流冷不潺
南城遲管鑰暮色促人還

運會

運會淪滑賴手援流分清濁不同源逆
鱗入肆驚餘躍妖獸當途詔直言稱制
兩朝悲幼主柄權三代重強藩版聯無
勢空存志安得陳言達至尊

庚辰元旦試筆

賀晨椒酒祝華堂金雀屏開引鳳凰萬
國未能同視朔十年且住又迎祥銀燭
畢竟何時錫梅萼猶餘隔歲芳丹詔陳
言宜獻頌景雲天上煥文章

初五日夜獨坐

春令初逢氣未和陰雲疊疊沒天河寒
夢樞軒

詩彙卷一

三

宵更鼓傳偏急雨夕燈花結倍多咳吐
隔屏驚薄夢吟哦擁被卻愁魔酒樓明
日尋歡去問柳樓前醉若何

撫琴七首并序

余年十有九學琴迄今八載深趣
固有所得挑撥之餘得詩數章感
慨寄焉

觀彼萬物化承除無終窮太玄奧莫測
至理秉蒼穹蒼穹不私晦奈無孔孟聰
冥冥塵俗間何以振痴聾上古神默移
一曲被薰風

物我固無間骨月惟至親門庭苟不修
胡爲化庶民事蓄竭至性安較富與貧
至性卻外飾家政敦紀倫操絃發正聲

夢樞軒

詩彙卷一

十四

媿媿和百神

清徵寡聽者古調寫衷腸行藏毋自必
與立任彼蒼處世惟禁情無欲始履常
新巢架庭樹雙鳥相維持置身非不高
難免霜露欺霜露不足畏蒼隼側目窺
安危有定數人世應共之戢翼勿相乖
飲啄勿失時外侮自不至斯理識者誰

慨歎曷能已正襟理素絲雙鳥忽下翔
飛旋弄羽儀

鍾山買腴田野人重自耕自耕不足辱
莘野顯功名教子反本素立業苦經營
手足三十人敢欽獨見明昭廟貯欵器
造物忌持盈德蔭毋自伐獨木期再榮
有道合自守辨別行與明

夢樞軒

詩藁卷一

五

生小負奇氣踽踽獨殊軌矮屋欲擡頭
萬乘如敝屣淡泊非矯情率性固如此
鄧錢布天下終當饑餓死鄙夫苦不達
營營勞未已賞音無覓處歲月空逝矣
調緩細泉響調促湘水流緩促各有託
可以愈隱憂昊天眷善人文王胡拘幽
有形靈磨涅我心終休休所以報大名

千載仰悠悠

吉山掃墓口占二絕

小麥深青大麥秀綿綿春雨喜初晴
吉山一去四十里到處田溝放水聲
不封不樹草蓬蓬奠罷先瑩日正中
風亂寓錢燒不盡逐隨蝴蝶過塘東

顏魯公祠訪僧圍碁

夢樞軒

詩彙卷一

三

放生池上草萋萋爲訪祠僧躡曲隄
水面浮魚如陣起門前孤柏與雲齊
小窗爲客看山啟古壁銘功搨石題
半日偷閒緣不淺圍棋一局夕陽西

自題畫梅

高標骨格徵名士獨抱芳心憶美人
不與俗流揮一筆冷雲香雪太清貧

題慧餘內子龍檜山莊詩卷二首

地判江南北姻緣一線牽聰明能倍我
伉儷屬同年勗學方爲德窺賓不媿賢
操持奈勤苦餘力製新篇

機杼疏吟興兒童累俗因有才爲我婦
居室作勞人珠玉篇難富琳瑯句獨新
安能絕塵事筆硯日相親

夢樞軒

詩彙卷一

三

有思

露重花香發天澄月影娟有思眠不得
詩伯在黃泉拂簟驅螢火開簾聞夜蟬
故人今已矣得句且焚箋

送大甥之江西

驚心秋廿日有客欲遨游薄宦誰知已
孤帆爭上流滿天風雨冷千里水雲悠

蓮瑞頻開謝嗟予獨滯留

登清涼山頂亭外秋色佳茂觸感

口占

移種秋山頂光華奪錦袍
休傷佳節晚何幸置身
高涼夢懷天末春塵避汝曹
非花別有韻賞鑑屬詩騷

不晤方四歸途口占一首

夢樞軒

詩藁卷一

美

木葉尙未脫蕭然風已秋
出門訪好友步過倉山頭
北極忽當面城北人烟稠
不辨萬家戶遙識尋雲樓
主人甘淡泊與世無干求
來往惟爾我懷抱空悠悠
偶然不相值何處覓良儔
踴躍尋歸路天末晚雲浮
僻徑少行人小鳥聲啾啾

十月晦夕悶坐吟二十八字

返轡京華獨滯居三年閉戶坐匡廬不
嫌文選銓期晚惜此光陰著我書

十一月十五日雪詩

曉起闢堂戶雪光騰百尺竹木清輝交
臺榭玉塵積迷漫失道路寂寞安游適
瞻彼鍾阜東疑有高臥客可與作神交
不晤亦心懌凍雲凝暝暮飛毳猶絡繹
夢樞軒

詩藁卷一

三

掩幔讀新史圍爐坐暖席圍隅梅着花
新春勿輕折

石城薛廬小酌

探勝尋幽攜美酒邀朋來叩薛廬扉登
堂恰喜湖當面擇地難於山四圍桃李
一林分蔭戶崇祠三傑共飛翬坐中好
友均須醉不到斜陽且莫歸

辛巳正月病目經旬得詩三絕寄

張錫山司馬

寒梅開遍覺微香
背手閒吟步小廊
別有心心相印處
任人笑罵我疎狂
俄寇猖狂欲門兵
靖邊將相主和盟
客來海上都稱慶
談笑俱然定太平

文壇得意逐春開
筆劍詞鋒戰幾回
我

夢樞軒

詩彙卷一

三

竟讓君一頭地
茅簷潛伏聽風雷

二月目病又作

目疾纏綿久春明
正好天登山空有約
傳座竟無緣
安得偷靈藥
飄然作地仙
有書不能讀
枯坐小窗前

卽事

竹韻松陰滿畫廊
推窗閒坐日偏長
舊

藏名帖摹翻本新買文鑑試妙香風亂
偶然花入戶春深未見燕歸梁至今捧
檄無消息詩酒年年戀故鄉

春光和媚之冶山道院小游半日
得長句一首

病起閒游滿目春傷心時局又更新銘
山功業成虛事貪寶徵求覺太頻問世
夢樞軒
詩彙卷一
三
宜參清靜術立身難作釣游民冷仙未
必知胷臆瞻仰琳宮一岸巾

謁儀鳳門軍府文謀舅文輿中口

占

肩輿飛步鼓樓岡遙見獅山色赭黃爽
爽春晴開目力淹淹午倦覺途長尋花
小蝶衝街過穿竹饑鷹逐鳥忙問教何

曾憂室遠親承几杖屢登堂

龍鳳

九淵臥蛟龍丹穴巢鳳凰讀書識其處
文字毋誕荒神物各有託致止名彰揚
大名不足貴有德始無妨

清明

東風捲雨阻出游閉門虛度清明節榆

夢樞軒

詩藁卷一

三

羹杏酪吊詩魂鐵頭道人悲永訣千里
朋來忽欸關登堂把晤心怡悅示我琳
瑯珠玉篇篇中字字都奇絕生平抱負
千載上爾我心曾蘊結鐘阜勝蹟聞
紫霞晴霽與君探洞穴

自供

俯仰乾坤一草堂不從市僧學炎涼詩

書多讀能醫俗品格爭高卻鄙狂八口
無憂豐衣食一官何足論行藏年光莫
怪催人老長句吟成又夕陽

辛巳春選授瑞安縣典史得詩一

章

志氣凌霄漢信道如伸龍落落寡匹偶
中立毋苟從惜未蒙嘉運佐人如富傭

夢樞軒

詩藁卷一

三

聖世重獄犴刑養秉至公潔已有箴銘
白雲在高峯憑限促吾往征車馳浙東
溪山志第一聊以慰心胷絃誦得佳處
欲希陳子蹤

赴吳門謁譚中丞領瑞安典史部

憑舟中二首

匆促制行李離家作宦游相親惟兩僕

此去一孤舟烟水輸吳會風光值麥秋
累人供未識何以慰予愁

名山看不盡江上淡余情宜有隱君子
棲遲樂此生壯懷風滿袖障目霧迷旌
安得如鷗鳥飄然屏俗營

篷窗

志士有苦心時時欲奮發世豈不可爲

夢樞軒

詩藁卷一

三

下位終墨沒吳中謁大吏掛帆值暑月
吾道不終窮職分勤供厥景念東海濱
仙巖猶突兀講學宋名儒高風應未歇

納涼

納涼高枕臥籐牀飯罷吹燈月滿牆隣
叟誦經聞約畧小兒說古近荒唐驅蚊
階下焚香草分果庭前傾竹筐最愛夜

深還獨坐微風吹動葛衣裳

消暑

避暑西城一少狂沙巾葛帔任常羊偶
然對酒胸襟闊久未彈琴指甲長好友
不來山徑遠勘書閒坐竹窗涼立秋已
過十三日憑限催人入戲場

七月二十日夜邀佟氏昆仲藥敏

夢樞軒

詩彙卷一

三五

仙易雅占游清涼山五首

忽動登山興清涼秉燭游滿天星燦燦
今夕樂悠悠徑熟不嫌暗風鳴漸作秋
疏狂屬我輩攜手盡良儔

禪林門已掩給級叩金鑲接踵來香客
開窗近盞山立身羞吏隱出世羨僧閒
坐久烹茶熟林聲四面環

城郭蒼茫裏天空露氣浮鼓聲傳壁壘
燈影識芳洲乞丐沿途臥茶蓬逐戶收
年年香會盛溺佛重奢求

新月林稍露清光谷口涼井欄橫笛坐
題字湖南唐竹韻千竿和松陰一徑長
仰天閒聽久鼓舞發清狂

路轉城陰下通衢靜不譁狂談搜怪異

夢樞軒

詩彙卷一

美

席地面龜蛇雲影籠亭際荷風渡水涯
幽居皆不遠帶月各還家

閏七月十五夜

鬥酒歸來月滿頭今宵無閏卽中秋我
逢餘曆三旬住客爲聽琴半夜留片刻
清閒皆福分一腔淡泊傲王侯空庭晤
敘行吾樂何必秦淮水上樓

陪友人游薛廬歸夕陽下城涼風
浙浙吟興動焉鐙前賦此

耳目聰明正少年未能從俗懶週旋閒
居易有山林氣作客方知朋友緣官可
爲家終覺累學須爲己不爭傳平生心
事嫌高曠仰首看雲暮散仙

赴浙有期得詩二章分寄同城諸

夢樞軒

詩彙卷一

三

好友

曾襟充淡本無奇七載西城小住宜讀
史快時常立論紀游佳處總憑詩偶因
薄醉談時事忽覺秋風動別思竹韻松
聲眠不得似從窗外問歸期

東隣西舍幾朋友雜技論交興自歡學
曲牀頭猶拍板賭碁夢裏不離盤去年

藏酒憑招飲前代遺琴偶索彈聚未多
時晴正好秋光迅速促徵鞍

赴瑞安典史任留別金陵親友

九韶謝清福我得知止守獄東海隅
遠征輕桑梓秋風壯行色楓葉泛江水
金肅感予懷佐人供役使玉劍掩光氣
丈夫徒自恥罹身塵網中悠悠胡所俟

夢樞軒

詩彙卷一

三

多謝故鄉人賞音幾英士

夢樞軒詩彙卷一終

夢樞軒詩彙卷二

上元李濱古漁著

石城曉發二首

初識攜家累深嘗行路難良朋憑慰頌
薄宦寡欣歡歲月防虛度江山足大觀
年華逾二十塵事發無端

一夕清涼泊出江風半帆鳴鉦開曉霧

夢樞軒

詩彙卷二

一

建幟錄新銜入畫窺前浦留題認古邑
篷窗不寂寞兒女話喃喃

泊丹陽城河

塔影河邊暗收帆傍晚臯破窗驚失物
擒賊亂呼刀宵靜桅燈落秋深斗柄高
支更傳夜役風露奈幸勞

澣墅

家山看不見，澗墅獨登橋。水月涼生感，
親朋別漸遙。小樓人語雜，官渡櫓聲嬌。
卅里金閭近，吟詩興倍饒。

遊姑蘇怡園

豪貴屬官家，樓臺合郡誇。當門環瘦竹，
愉老種新花。客意孤於月，詩情艷比霞。
名流無一箇，題額遍烏紗。

夢樞軒

詩藁卷二

二

泊平望

廿日姑蘇又放舟，慙從平望晚帆收。半
鈎月色光嫌薄，一箇蟲聲韻自幽。獨坐
燈前維顧影，孤眠被底最傷秋。計程漸
覺杭州近，顛倒西湖夢不休。

夜泊杭郡城中關

心事年來寡，所歡陰雲千里沒。前灘戒

談經濟媿無友喜弄琴書不稱官橋上人稀燈未滅河邊風緊腳先寒繞檣菰葉蕭蕭響欹枕三更夢未安

長安壩

挽過長安壩波平日影沉荒村寒入望孤棹泊驚心林黑微聞柝宵清每憶琴蒼頭眠已熟秉燭細哦吟

夢樞軒

詩彙卷二

三

返舟游西湖飲于平湖秋月

秋雲黯黯酒旗收寂寞樓臺少客游四面清漪供玩月三人淺酌未傳籌名山仕隱爭埋骨勝地漁樵不識愁參謁羈人游未遍金閭詩偶盼歸舟

感懷

吳浙憑來往光陰若指彈有行多返水

無暇一垂竿作宦拋家易論交同道難
雄飛空寓志荆棘歎棲鸞

贈長崎金生

談心席地古風參着屐披襟韻自含春
入畫屏塗玉雀香生鑪火炙霜柑拔簪
問價頻輪指對鏡摹容若現曇只合抱
琴偕我隱買山海上覓雲嵐

夢樞軒

詩彙卷二

四

游温州江心寺卽贈雪峯詩禪

亂流渡危楫孤嶼峙中央忠氣推文卓
詩懷屬謝王怡情頻弔古媚世少微長
何物洗塵俗潮聲入耳狂

題廳同叔世兄小像

儀度成人選觀書燭采臨容光摹玉樹
松竹冠儒林留客家風古趨庭教澤深

乃公不相值深意託瑤琴

瑞安督捕署堂外桂樹

丹桂傳仙種移來媿暗投無山亦招隱
雜木總過頭不作靈波柱空含太液秋
芝蘭同臭味契合卽朋儔

感懷

捧檄如逢謫卑官路幾千狂曾忤巨室

夢樞軒

詩藁卷二

五

渴不飲貪泉漚水春將渡茶山句待聯
慈雲時引領東海渺無邊

十二月十二日夜作

風雨殘年逼消愁酒盞傾雷聲經夜發
鄉思逐春生補漏移繩榻勘書對鐵檠
漫差貧吏苦氣志自縱橫

西峴山文昌蒼聖廟行香

拜祝文明像雙龕峴嶺尊辦香心未已
月祀典猶存霞氣飛朝棟書聲出配軒
不堪窮目力曉霧海山昏

與瑞安學博邵霖生定茶山探霖
約爲雨阻霖生寄詩寫恨索和原

韻

游事忽云阻春光已暗來名山橫暮雨

夢樞軒

詩藁卷二

六

疏萼綻輕雷仙夢連宵斷賓筵卜日開
新詩宜再疊黃耳莫空回

壬午元旦試筆

柏酒桃湯獻歲觴九重瑞靄護朝陽雙
旗引出三街曉滿袖攜歸十廟香昨夜
典衣官債促當春傳坐客星忙年來一
事差堪慰黑髮高堂健宜康

散步暑後宋主簿陸放翁祠采祠
旁枸杞

茂蔚仙人杖荒涼主簿祠薦新誰奉祀
作吏共能詩叢碧色猶美回甘味怡宜
調羹自有婦烹製獻庭慈

戲暑後院池邊步陶淵明遊斜川
韻

夢樞軒

詩藁卷二

七

守道禦外侮俯仰心休休豪興未逮昔
春明不出遊呼童除萍藻池上俯清流
暖風徐徐來遊鱗避浮鷗荒圃積瓦礫
累累如陵丘擷草愛新綠玩景無與儔
江南同志者文酒讌樂不波影修八尺
隅隅罹隱憂世儒忤時尙投璧鑑無求
捐養廉銀修捕署工完得長句

徹衙久已被塵封修飾鳩工宅運逢聚
錦詩屏開五折添陰蕉壁種三重偷閒
伏案書千卷謝客關門酒一鍾臨事問
心皆不愧豈因磨涅失儒宗

遣懷

一官寄跡樂何如弄墨研朱習未除僕
有詭謀催見客吏無公事代鈔書枇杷
夢樞軒
詩彙卷二
入
果熟垂蒼瓦橘柚花香撲臥廬蕩蕩胃
襟無俗物風光領暑夏臨初

南軒

忤世方能守故吾罡風吹墮海東隅圍
中瘞鹿驚愚俗墻外埋雞近蠱巫霉雨
併來宜引疾仙巖歸去且摹圖南軒獨
坐情無限一卷陶詩酒一壺

題石楊林和靖小像

竊記遺篇觀一斑
避人焚稿臥孤山
紛紛投刺呈詩客
瞻拜先生應汗顏

卽事

官閒荒署冷桂蔭
滿堂廊書富三楹
室心清一瓣香
邑丞傳酒簡學博寄詩囊
韻事紛披至東甌
容我狂

夢樞軒

詩藁卷二

九

察獄吟

聖朝法紀維森嚴
海陬都民性勇悍
身罹明刑罪難逭
犴狴守門族親斷
衣糧簿錄令尹掌
囚歎胡爲難飽煖
勤售薄藝補不足
績草織履無停緩
手攀牛卸腕底痛
日成一雙恨日短
中有疋羸無技民
饑寒認耐囚牀
坦日夕兩度親檢

巡櫳房幽暗牢卒伴金聲鏘鏘拜我前
乞憐淚珠如線散申文達情東高閣涸
弊難除懷憂懣邑中械鬪無息時安得
囹圄慶草滿

宵巡行

閩越通衢居民稠巨室擁資畏虺賊傳
聞匿跡潛報書得書宵巡勤吾職籠燈
夢榴軒

詩彙卷二

十

出署漏三鼓月下女墻街市黑軍差夜
役荷刀杖星光隱約風威逼橋亭社廟
臥貧氓搜捕方疑奸究匿日中力食夜
無家跪訴馬前最悽惻百貨閉門行人
稀烟戶售膏燈未息此間良莠素不齊
編冊逐戶註脚色猿鳥驚彈或遠揚跡
遍城廂獲未得深堂叢房有戒心人言

嘖嘖頻驚惑保家端賴自維持豚犬愚
謀毋峻刻遺經終勝遺籛金達人矩度
宜欽式

浴罷

浴罷身清興自賒短衫粗葛勝輕紗推
窗快賞時來雨隱几閒觀晚放花陰長
芭蕉迷院角風搖檝攬擊檐牙兒童向
夢榭軒

詩彙卷二

士

我乞新句題上明燈鏤碧瓜

病中

綿綿霉雨困吟情漸覺頑軀病有名世
味深嘗如藥苦素懷自許似冰清徵詩
索畫急於債蔬圃蘭堂愧未營心事片
雲因共遠暮杵零落石頭城

月夜出南關觀飛雲江

暑氛入夜息月影散檐端虛堂不足賞
徒步江上看白浪湧關前銀蛇走急湍
晶瑩耀眸子浩瀚曾襟寬海客泊沙岸
樓船朱欄杆約畧聞聚語竊聽胡詭譎
東山有神蚌碩體百畝盤暈珠騰絳采
昨日夜未闌風雨刻期發蛟龍將興瀾
雷霆苟不鳴鬪搏亦巨觀潛穴不知年
望洋興永歎清景玩不盡怪語宵漫漫
何當載美酒醉領江頭歡

夢桶軒

詩彙卷二

七

貴公子行

珠履繡服耀神姿堂上溺愛如珍奇三
尺玉鞭供走馬青樓紫陌如醉癡千金
交客誇豪俠萬金更買壓酒姬輕浮挑
達莫與比少年喜怒不可期三歲王牌

標玉冠明廷恩蔭父所遺噫吁後輩競
豪華當年奏功勞欲疲滿朝朱紫稱年
戚交章薦剡拜丹墀羅綺錦繡無謀畧
鐘鳴鼎食光門楣

仙巖紀游

羅隱已歿羅山空東甌海寇潛洞中易
服駕舟勘險峻羅山脉畧仙巖通捨舟

夢樞軒

詩彙卷二

三

登岸遇黃生道旁迎迓深鞠躬黃生曾
擒羅山賊昨宵公堂侍乃翁戒我羅山
不可入導我息足入梵宮廿六福地聖
壽寺宗風不墮天目功門前蹲獅與臥
象崑崙氣象均隆隆雙崖飛瀑注玉磯
飄灑激射烟濛濛更有雷潭與龍鬚伏
流飛溜何玲瓏積翠題名辨唐宋蒼松

古柏陰交蒙止齋祠祀香烟冷書堂圮
傾生青叢昇仙崖壁燒丹井山靈護持
無終窮黃生導引游未遍攀躋蹻确力
疲癯盛暑被日汗浹背返棹河上弄晚
風歸而摹圖志勝游懸金國門邀繪工
登龍山步張素君太守贈笠杖集

中游龍山原韻

夢樞軒

詩彙卷二

古

白巖尋勝蹟安步當車舟宋塔開文運
婆泉吸素秋孤城山作鎮支水海分流
形勢雄如此題名紀壯游

觀海亭再步笠杖集中憩觀海亭

原韻

登龍歎觀止亭古傍雲隈憑險甌波繞
通商閩泊回蠻烟天際暗魚稅島中開

欲志來時路宜舒賦海才

題長崎亞千古生小像

衣裳古茂迷唐宗拂拭琉璃映玉容躡
屐後來緣不淺舉杯相對興猶濃難酬
五百夷王面遙隔三千碧海跡袖手整
襟獨危坐深情描透兩眉峯

檢寄生草堂遺藁有感

夢樞軒

詩藁卷二

五

畢生無事業珍重數篇詩閱歷多名句
清微有妙思九秋舒志壯四雪得名遲
玉樹埋終古卿雲念昔時狂心維飽酒
閒意偶參碁廣坐誇談舌空房獨斂眉
贈裘交估客卜鏡喪名姬記室辭軍府
青衫困講帷憐才會執拂短數竟騎箕
風月憑嘲弄誰當一字師

晚涼有懷

明日秋方立涼風已覺狂停雲動遐思
雜卉散清芳孤鳥飛難定羣蛙噪更忙
挑鐙讀鄉志劉顧并才長

瑞安寄金陵孫左軍樂敏仙佟秉
鈞秉彝諸秀才三十韻

昔與諸君子游樂共晨夕嘯傲石城隅
夢樞軒

詩藁卷二

夫

素心幽且適釣水烏龍清入山翠微碧
篆壁搜故宮得之如金惜少豪厭爭心
睹酒數圍奕煮茗四松間清談舌留澤
月夜露集坐徵歌助彈拍餘興寄八叉
雲箋互分劈微禽不自審離羣揚羽翮
豪氣頓消磨塵土習填積太息民好偷
竊物牘盈百媿婦與寒儒呈辭愈窘迫

血肉飛堂前日夕懲情役緝獲賞有功
珠還慶加額鄉堵更頑愚恃強逞克逆
蹈身縲紲中獄吏繕清冊防役虐羣囚
檢巡詣權柵勞勞何所營居卑如遣謫
量服復度形橫施嚴拒斥惟冀守故吾
敢希聲名赫動與俗情忤師魯堅金石
弄文亦多士形骸失檢核縞紵藏巾笥
夢樞軒

詩彙卷二

七

獻贈慎簡擇形景弔隻單清狂頽往昔
西峴與隆山慰懷獨攜屐展登高望卿雲
波瀾蕩胷膈悠悠限山海神交若咫尺
文章仰山斗秋風榮桂籍聆耳俟佳音
報我登龍客長篇有韻書珍重傳郵驛

蟬

餐風吸露清難飽鳴不驚人噪夕暉擇

木棲身雙翼薄休隨凡鳥共高飛

日課

日課殷勤惜寸陰觀書飲酒更彈琴
客來戒口談時事靜淡方能養素心

西城校射

西城地闊平如砥大樹將軍碧蔭橫
雉堞日斜侯采燦峴山風急箭翎鳴
丹心夢榻軒詩臺卷二
先中翰豪僕勁角難開媿府兵少尹無
材非耀武反身亦可律平生

芙蓉

芙蓉長丈八太息故鄉無碧幕窗三面
紅雲庭四隅艷酬詩數韻賞合酒盈壺
聊慰思歸願秋風興不孤

橄欖

官箴誰示我諫果意毋忘遺核參軍役
成陰射鴨堂枝高風忽折根古土難藏
卅載欣逢我嘗新味倍芳

夢樞軒

詩藁卷二

九

夢樞軒詩藁卷二

終

1112



135